

浙江文叢

國權

〔第六冊〕

浙江出版聯合集團
浙江古籍出版社

浙江文叢

國權

〔第六冊〕

卷十六至卷十八

〔明〕談遷 著

江出版聯合集團
江古籍出版社

國權

監修錄事本簡

起宣德二年

盡宣德五年

丁未宣德二年

正月庚寅朔大覲受朝賀

曉刻大星赤光起正南雲中流東南雲中

辛卯勅諭文武群臣

乙未賞從征交趾吏卒

丙申申明屯法

戶部尚書師達卒東阿人少孤事母至孝母疾甚思藤花菜走二十五里得之夜值虎呼天虎舍去進菜母愈以國子監生擢御史歷陝西按察司浹旬疏滯獄千人母喪廬墓三年永樂初拜兵部右侍郎改吏部督北征餽運先帝進南京戶部尚書兼吏部事初扈從太宗太宗語左右曰諸臣扈從惟達不貪年六十二予祭葬昏刺太白犯外屏

庚子上南郊

癸卯諭行在兵部考覈逃亡軍士

四川永平縣奏去旱饑先貸米五千六百餘石上善之

大理寺卿湯宗卒宗字正傳浙江平陽人國子生授河
南按察僉事改北平歷山東按察使左遷刑部郎中永
樂初守蘄州曲完逋賦百餘萬石又左遷知棧州薦還
大理寺丞坐累下獄十餘年先帝復其官進左少卿至
南京大理寺卿清戎山東疏陳民瘼召還年六十三予
祭墓

夜焚惑犯月

乙巳行在中軍都督僉事李玉鎮守彰德

貸耶射洪遂平餘杭南豐廣昌饑民粟免醴陵湘潭茶
陵寧鄉淑浦沅江去年旱灾田租

上朝退御文華殿召少傅楊士奇楊榮諭曰前論交趾事蹇義夏原吉拘常見恐疲中國昔楚子從申叔時之諫而止縣陳古人服義如此朕欲成先志卿熟計之士奇榮對曰此盛德事興滅繼絕使陳人修貢夏裔皆安上曰朕志決矣行令黃福訪之未晚

丙午遣廣平侯袁容左都御史劉觀諭趙王漢庶人自言連趙王諸臣多指趙王憂懼不知所出上召問楊士奇對曰陛下宗室惟趙最親可惑衆口哉上曰漢趙雖兄弟不同德矣皇考于趙最友朕惟一叔奈何不愛宜以漢詞興諸臣彈章示之于是賜高燧書趙王得書

曰吾生矣

丁未許重軍併役

通政使奏大辟歲六百餘人上諭禮部曰百姓輕于犯法由教化未至卿其勉之

夜月犯平道

戊申趙世子瞻坂薨年十七謚悼僖

增造驛遞符驗

勅各邊總兵官脩葺

己酉陽武侯薛祿率兵巡真定保定召山海總兵官遂

安伯陳英還京

庚戌夜大星光青白起北極行至近濁

辛未廣東都指揮僉事程瑒奏指揮使王瑤逐慕賊于

金雞嶺斬二百六十七級撫八百餘戶

癸丑設西寧衛儒學

免烏程歸安長興水災田租萬六千五百餘石

夜南京地震

甲寅行在刑科給事中陳傑失儀謫荆門州判官

丙辰沙州衛人屢劫西域貢使命甘肅總兵官崇信伯

費璫討之

置保安州馬坊

戊午昏刺南京地震聲如雷明夜復震

二月庚申趙王高燧奏謝盡納常山護衛軍上許之

命廣平侯袁容調護衛軍于永平山海

辛酉夜大星光青白起軫宿行至近濁

癸亥行在戶部左侍郎陳山為戶部尚書兼謹身殿大

學士行在禮部左侍郎張璠為禮部尚書兼華蓋殿大

學士行在大理寺左少卿施禮為行在刑部右侍郎

昏刻大星光青白出王良行至近濁又大星出下台行

至雲中

乙丑黎利攻交趾城戍山侯王通擊敗之斬偽司徒黎

笏司空丁禮偽太尉陳極死者萬計賊大奔諸將請乘勝追之猶豫不決越三日賊益堅仍四掠

夜大星出天紀行至近蜀

丙寅翰林學士楊溥侍讀學士曾榮主禮闈

庚午勅陶季容為宣化知府

夜大星起角行至庫樓又大星出軫行至濁

甲戌遣順天府尹祭宋丞相文天祥

夜南京地震

乙亥寧化王濟煥奏晉王濟熿詭詐不法疑臣告訐歆死臣乞徙他郡上書止之

沙州衛都督僉事困即來告饑乞穀種百石許之

丙子武進伯朱冕掌行在左府事

戊寅上御文華殿賜楊榮銀章曰方直剛正

南京夜地震明夜復震

己卯夜大星青光出天棓行至近濁又大星光青白燭
地出天鈎行至近濁

庚辰岷世子徽峻訐鎮南王徽榮誣謗至京面質俱安
遂誅內使陳榮

夜大星出軒轅行入柳

辛巳夜大星青光起天津行至天樞

壬午復馬貞寶鷄知縣貞杓憂去邑人誦其公廉乞留至是眼闕

癸未行在翰林院侍讀沈紱為右春坊右庶子北京國子監司業貝泰為祭酒進士張瑩嚴士安為監察御史復徐敬南部知縣秩滿邑人留之進俸從六品

夜南京地震

甲申按察四川御史裴俊請禁奸民誣奏從之

乙酉夜南京地震

丙戌錦衣衛官分捕沿河南北盜

赤斤蒙古衛指揮使且旺失加進都指揮同知

夜大星赤光起亢至游氣

戊子夜南京地震

三月己丑朔長陵殿成

命雲南四川兩廣福建湖廣勾軍除邊解外餘留所在
附近衛所帶操

策貢士趙鼎等百人於奉天門賜馬愉杜寧謝璉等進
士及第出身有差

庚寅太子少保兼工部尚書吳中進少保仍兼行在上
部二奉

命行在刑部右侍郎樊敬往廣西都察院右副都御史

胡廩往廣東李素往湖廣俱督運給交趾益調兵四萬
五千二百人

置麻兒西安撫司地去松潘七百餘里時刺麻著八議
卜來歸故官之

夜大星光青白出尾行至游氣

辛卯昏刻南方蒼白雲一道起天因東掃翼軫南京地
震

癸巳命都察院右僉都御史李濬通政司左通政朱侃
鴻臚寺少卿劉順王勉巡撫浙江直隸大理寺卿胡禔
右叅政葉春分督江南淮徐各倉粮運

甲午晉王濟曠以府校教告其陰事益不自安奏辭爵
上書慰之

丙申中軍都督僉事孫愚賜名忠

夜大星光青白起斗杓行至建星

丁酉以湖廣旱災免採辦竹木

命川陝輟罪悉編沔縣以民戶逃亡故捕之

己亥黎利改立溫都指揮孫聚力拒之

庚子貴州總兵官都督蕭授討叛苗卓肥同平之

辛丑進士邢恭為翰林院庶吉士恭先隸院譯書

免湖廣轉餉交趾上念其去年旱饑

上作西漢循吏論示蹇義等論曰漢書載循吏文翁王
成苗霸龔遂朱邑召信臣六人然觀其事興學校勤勞
來勸課農桑修舉水利恭儉愛人而已非有奇才異能
以傾駭人之視聽然而傳之者何哉以其奉職循理而
民自化異乎尚威嚴以為治者自古有天下者以民為
本舜禹之相戒亦曰德為善政、在養民水火金木土
穀唯修政德利用厚生唯和而已夫既有所養又有所
教而后民生遂民性完然治天下之民心用天下之賢
士此後世守令之職所以重也夫一郡一邑其地環千
里百里其民以千萬計而付之守令者欲其教養之而

已教養之道農桑學校而已農桑之業修則民足于衣食而遂其生學校之政舉則民習于禮義而全其性如是足以為善治矣然而世之才能之吏或不知務此往往任智術厲威嚴苛刻峭急于是民受其弊此趙廣漢之所以不得為循吏也今天下之郡邑多矣予惟師舜禹之道以教養斯民故于守令之選加嚴焉詩曰豈弟君子民之父母安得皆如六人者布滿天下郡邑哉

癸卯夜月食

甲辰給京衛軍冬夏布復

復府軍前衛二十五所前分調各王府